

জাতীয়

বে টার্মিনাল চালু হলে অর্থনীতিতে ইতিবাচক প্রভাব পড়বে: প্রধানমন্ত্রী



প্রতিবেদক: প্রোব ডেস্ক

প্রকাশের তারিখ: বুধবার, ১৫ জুলাই ২০২৬, ০৯:৩৪ PM



চট্টগ্রামের বে টার্মিনাল চালু হলে দেশের সামগ্রিক অর্থনীতিতে ইতিবাচক পরিবর্তন আসবে বলে জানিয়েছেন প্রধানমন্ত্রী তারেক রহমান। তিনি বলেন, বড় জাহাজ সরাসরি চট্টগ্রাম বন্দরে ভিড়তে পারলে পরিবহন ব্যয় কমবে, আমদানি-রপ্তানি বাণিজ্যের গতি বাড়বে এবং জাতীয় অর্থনীতি উপকৃত হবে।

বুধবার (১৫ জুলাই) জাতীয় সংসদের প্রশ্নোত্তর পর্বে চট্টগ্রাম-১৩ আসনের সংসদ সদস্য সরওয়ার জামাল নিজামের এক সম্পূরক প্রশ্নের জবাবে প্রধানমন্ত্রী এসব কথা বলেন।

প্রধানমন্ত্রী বলেন, বে টার্মিনাল বাস্তবায়নের পরিকল্পনা সরকারের রয়েছে। এটি চালু হলে বড় আকারের মাদার ভেসেল সরাসরি চট্টগ্রাম বন্দরে ভিড়তে পারবে। বর্তমানে নাব্যতীর সীমাবদ্ধতার কারণে বড় জাহাজ চলাচলে সমস্যা হয়।

তিনি বলেন, বড় জাহাজ সরাসরি বন্দরে আসতে পারলে ট্রানশিপমেন্ট ব্যয় কমবে। একই সঙ্গে আমদানি-রপ্তানি কার্যক্রম আরও গতিশীল হবে, যা দেশের ব্যবসা-বাণিজ্য এবং সামগ্রিক অর্থনীতিতে ইতিবাচক প্রভাব ফেলবে।

চট্টগ্রাম বন্দর প্রসঙ্গে প্রধানমন্ত্রী বলেন, এটি দেশের গুরুত্বপূর্ণ রাষ্ট্রীয় সম্পদ। এখানে কোনো ধরনের দুর্নীতি হয়ে থাকলে, তা যে সময়েই হোক না কেন, আইন অনুযায়ী দায়ীদের বিরুদ্ধে ব্যবস্থা নেওয়া হবে।

তিনি আরও বলেন, রাষ্ট্রীয় সম্পদের অপচয় রোধ এবং দুর্নীতিমুক্ত পরিবেশ গড়ে তুলতে সরকার প্রতিশ্রুতিবদ্ধ।

এ বিভাগের আরও খবর



গুলিষ্টানে এসি বিশ্বেসারশে দক্ষদের দেখতে হাসপাতালে স্বাস্থ্যমন্ত্রী
রাজধানীর গুলিষ্টানের আলু বাজার এলাকায় একটি সেলুনে এসি বিশ্বেসারশে দক্ষদের দেখতে গিয়েছেন স্বাস্থ্য ও পরিবার কল্যাণমন্ত্রী
সরদার মো. সাখাওয়াত হো...



প্রতিরক্ষা উপদেষ্টার সঙ্গে বৈঠক করলেন অজিত দোভাল
বিমস্টেক জাতীয় নিরাপত্তা উপদেষ্টাদের (এনএসএ) পঞ্চম বৈঠকের আগে বাংলাদেশের প্রধানমন্ত্রীর প্রতিরক্ষা উপদেষ্টা ব্রিগেডিয়ার
জেনারেল (অব.) ড. এ কে...



বাজেট অধিবেশন শেষ, পাস হলো ১০ বিল
ত্রয়োদশ জাতীয় সংসদের দ্বিতীয় (বাজেট) অধিবেশন শেষ হয়েছে। অধিবেশন চলাকালে ১০টি সরকারি বিল পাস হয়েছে। বুধবার
(১৫ জুলাই) ভেগুটি স্পিকার ব্যারিস্টার...



শিক্ষার্থীদের একাংশের শাহবাগ অবরোধ, রাজধানীজুড়ে তীব্র যানজট
এইচএসসি ও সমমানের পরীক্ষা ঘিরে চলমান আন্দোলনে রাজধানীতে নতুন কর্মসূচি পালন করেছেন পরীক্ষার্থীদের একাংশ। শিক্ষা
ভবনের সামনে অবস্থান কর্মসূচি...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/be-tarminal-chalu-hle-orthnitite-itibachk-prbhab-prbe-prdhanmntri>